





博物志卷之一

謙

晉

司空

張

華茂

先

撰

汝南

周

日用

等注

余初山海經及禹貢爾雅說文地志雖曰悉備各有所不
載者作略說出所不見粗言遠方陳山川位象吉凶有徵
諸國境界犬牙相入春秋之後並相侵伐其土地不可具
詳其山川地澤略而言之正國十二博物之士覽而鑒焉
地理略自魏氏日已前夏禹治四方而制之

河圖括地象曰地南北二億二萬九千五百里地部之位起
形高大者有崑崙山廣萬里高萬一千里神物之所生聖
人仙人之所集也出五色雲氣五色流水其泉南流入中



國名曰河也其山中應于天最居中八十城有繞之中國
東南隅居其一分是奸城也

中國之城左濱海右通流沙方而言之萬五千里東至蓬萊
西至隴右右跨京北前及衡兵堯舜土萬里時七千里亦
無常隨德劣優也

堯別九州舜為十二

秦前有藍田之鎮後有胡苑之塞左峭函右隴蜀西通流沙
險阻之國也

蜀漢之士與秦同域南跨邛笮北阻褒斜西即隈礙隔以劍
閣窮險極峻獨守之國也

周在中樞四阻峭谷東望荆山南面少室北有大嶽二河之

八分雷風所起四險之國也

魏前枕黃河背障水瞻王屋望梁山有藍田之寶浮池之淵
趙東臨九州西瞻恒嶽有沃瀑之流飛壺井陘之險至于頴

陽涿鹿之野

燕却背沙漠進臨易水西至君都東至於遼長蛇帶塞險陸
相乘也

齊南有長城巨防陽關之險北有河濟足以為固越海而東
通于九夷西界岱嶽配杯之險坂固之國也

魯前有淮水後有岱嶽蒙羽之向洙泗之流大野廣土曲阜
尼丘

宋北有泗水南迄睢過有子孟諸之澤礪山之塞也

楚後背方城前及衡嶽左則彭蠡右則九疑有江漢之流實險阻之國也

南越之國與楚為鄰五嶺已前至于南海負海之邦交趾之土謂之南裔

吳左洞庭右彭蠡後濱長江南至豫章水戒險阻之國也東越通海處南北尾間之間三江流入南海通東治高深險絕之國也

衛南跨于河北得洪水南過漢上左通魚澤右指黎山

讚曰

地理廣大 四海八方 遐遠別域 略以難詳

侯王設險 守固保疆 遠遮川塞 近備城堙

司察姦非 禁禦不良 勿恃危阨 恣其淫荒

無德則敗 有德則昌 安屋猶懼 乃可不亡

進用忠良 社稷永康 教民以孝 舜化以彰

地

天地初不足故女媧氏鍊五色石以補其闕斷鼈足以立四極其後共工氏與顓頊爭帝而怒觸不周之山折天柱絕地維故天後傾西北日月星辰就焉地不滿東南故百川水注焉

崑崙山北地轉下三五六百里有八玄幽都方二十萬里地下有四柱四柱廣十萬里地有三千六百軸大牙相舉泰山一日天孫言為天帝孫也主召人魂魄東方萬物始成

知人生命之長短

考靈耀曰地有四遊冬至地上北而西三萬里夏至地下南而東三萬里春秋二分其中矣地常動不止譬如人在舟而坐舟行而人不覺七戎六蠻九夷八狄形總而言之謂之四海言皆近海海之言晦昏無所覩也地以名山為輔佐石為之骨川為之脉草木為之毛土為之肉三尺以上為糞三尺以下為地

山

五嶽華岱恒衡嵩

按北太行山而北去不知山所限極處亦如東海不知所窮盡也

石者金之根甲石精流以生水水生木木含火

水

漢北廣遠中國人尠有至北海者漢使驃騎將軍霍去病北

伐單于至瀚海而還有北海明矣

甚區滿祗一池號北海蘇武牧羊常在於此是耳此地見有蘇武湖非北溟之海

漢使張騫渡西海至大秦西海之濱有小崑崙高萬仞方八

百里東海廣漫未聞有渡者

南海短狹未及西南夷以窮斷今渡南海至交趾者不絕也

史記封禪書云威宣燕昭遣人乘舟入海有蓬萊方丈瀛州

三神山神人所集欲採仙藥蓋言先有至之者其鳥獸皆

白金銀為宮闕悉在渤海中去人不遠

四瀆河出崑崙墟江出岷山濟出王屋淮出桐柏
八流亦出名山渭出鳥鼠漢出嶓冢洛出熊耳涇出少室汝
出燕泉泗出涪尾沔出月台沃出太山水有五色有濁有
清汝南有黃水華山有黑水沔水淵或生明珠兩岸不枯
山澤通氣以興雷雲氣觸石膚寸而合不崇朝以雨
江河水亦名曰泣血道路涉骸於河以虜也

山水摠論

五嶽視三公四瀆視諸侯諸侯賞封內名山者通靈助化位
相亞也故地動臣叛名山崩王道訖川竭神去國隨已亡
海投九仞之魚流水涸國之大誠也澤浮舟川水溢臣盛
君衰百川沸騰山冢卒崩高岸為谷深谷為陵小人握命

君子陵遲白黑不別大亂之徵也

援神契曰五嶽之神聖四瀆之精仁河者水之伯上應天漢
太山天帝孫也主召人魂東方萬物始成故知人生命之
長短

五方人民

東方少陽日月所出山谷清其人佼好

西方少陰日月所入其土窳冥其人高鼻深目多毛

南方太陽土下水淺其人大口多傲

北方太陰土平廣深其人廣面縮頸

中央四析風雨交山谷峻其人端正

南越巢居北朔穴居避寒暑也

東南之人食水產西北之人食陸畜食水產者龜蛤螺蛇以爲珍味不覺其腥臊也食陸者狸兔鼠雀以爲珍味不覺其膾也

有山者採有水者漁山氣多男澤氣多女平衍氣仁高凌氣犯叢林氣變故擇其所居居在高中之平下中之高則產好人

居無近絕溪群冢狐蟲之所近此則死氣陰匿之處也

山居之民多癭腫疾由於飲泉之不流者今荆南諸山郡東

多此疾瘡由踐土之無鹵者今江外諸山縣偏多此病也

鹽氏曰不然也在山南人有之北人及吳楚無此病蓋南出黑水水土然也如是不流泉井界尤無此病也

物產

地性含水之山泉者引地氣也山有沙者生金有穀者生玉

名山生神芝不死之草上芝之爲車馬中芝之爲人形下芝之爲

六畜土山多雲鐵山多石五土所宜黃白宜種禾黑墳宜

麥黍蒼赤宜菽芋下泉宜稻得其宜則利百倍

和氣相感則生朱草山出象車澤出神馬陵出黑丹草出土

恠江南大貝海出明珠仁主壽昌民延壽命天下太平

名山大川孔穴相內和氣所出則生石脂玉膏食之不死神

龍靈龜行於穴中矣

神宮在高石沼中有神人多麒麟其芝之神草有美泉飲之服

三百歲乃覺不死去瑯琊四萬五千里

三珠樹生赤水之上

負丘山上有不死樹食之乃壽有赤泉飲之不老多大蛇爲
人害不得居也

博物志卷第一

博物志卷第一

外國

夷海內西北有軒轅國在窮山之際其不壽者八百歲者沃
之野鸞自舞民食鳳卵飲甘露

白民國有乘黃狀如狐背上有角乘之壽二千歲

君子國人衣冠帶劍使兩虎民衣野絲好禮讓不爭土千里

多董華之草民多疾風氣故人不番息好讓故爲君子國

三苗國昔唐堯以天下讓於虞三苗之民非之帝殺有苗之

民叛浮入南海爲三苗國

晉司空張華茂先撰

汝南周日用等注

驩堯國其民盡似仙人帝堯司徒驩堯民常捕海島中人面
鳥口去南國萬六千里盡似仙人也

大人國其人孕二十六年生白頭其兒則長大能乘雲而不
能走盡龍類生食糗四萬六千里

厭光國民光出口中形盡似佞候黑色

結曾國有滅蒙鳥奇肱民善爲扞扛以殺百禽能爲飛三從
風遠行湯時西風至吹其車至豫州楊破其車不以視民
十年東風至乃復作車遣返而其國去玉門關四萬里

羽民國民有翼飛不遠多鸞鳥爲民食其郊去九疑四萬二千
里

穿曾國昔禹平天下會諸侯會稽之野防風氏後到殺之夏

德之盛二龍降之禹使范成光御之行域外既周而還至
南海經房風房風之神二臣以塗山之戮見禹使怒而射
之迅風雷雨二龍昇去二臣恐以刃自貫其心而死禹哀
之乃拔其刃療以不死之草是爲穿曾民

交趾民在穿曾東

孟舒國民人首鳥身其先主爲靈言民訓曰高皇后之世始食
郊孟舒去之鳳凰隨焉

異人

河圖玉板云龍伯國人長二十丈生萬八千歲而死大秦國
人長十丈中秦國人長一丈臨洮人長三丈五尺
禹致宰臣於會稽防風氏後至戮而殺之其骨專車長狄喬

如身橫九畝長五丈四尺或長十丈

秦始皇二十六年有大人十二見于臨洮長五丈足迹六尺

東海之外大荒之中有大人國僬僥氏長三丈時含神靈

日東北極人長九丈

東方有螳螂沃焦防風氏長三丈短人鬲九寸遠夷之名雕

題黑齒穿首櫓耳天竺歧首

子利國人一手二足拳反曲

無啓民居穴食土無男女死埋之其心不朽一星還化為人

細民其肝不朽百年而化為人皆穴居處二國同類也

蒙雙民昔高陽氏有同產而為夫婦帝放之此野相抱而死

神鳥以不死草覆之七年男女皆活同頸二頭四手是蒙

雙民

有一國亦在海中純女無男又說得一布衣從海浮出其身

如中國人衣兩袖長一丈又得一破船隨波出在海岸邊

有一人項中復有面生得與語不相通不食而死其地皆

在沃沮東大海中

南海外有鮫人水居如魚不廢織績其眼能泣珠

嘔絲之野有女子方跪據樹而嘔絲北海外也

江陵有猛人能化為虎俗又云虎化為人好著紫為人足無

踵

日南有野女群行見丈夫狀晶目裸袒無衣褲

異俗

越之東有駭沐之國其長子生則解而食之謂之官第父死

則負其母而弃之言鬼妻不可與同居周日用日其母為鬼妻則其為鬼

子亦合弃之矣是以合燻夷於禽獸犬豕一等矣禽獸犬豕之徒猶應乃然也

楚之南有炎人之國其親戚死朽之肉而弃之然後埋其骨

乃為孝也

秦之西有義渠國其親戚死聚柴積而焚之即煙上謂

之登遐然後為孝此上以為政下以為俗中國未足為非

也此事見墨子周日用日此事無幾佛國之法且如是乎中國之徒亦如此也

荊州極西南界至蜀諸民曰獠子婦人妊娠七月而產臨水

生兒便置水中浮則取養之沉便弃之然千百多浮既長

皆拔去上齒牙各一以為身飾

母丘假遣王頌追高句麗王宮盡沃沮東東而其著言國

人常乘船捕魚遭風吹數十日東得上有

相曉其俗常以七夕取童女沈海

交州夷名曰俚子俚子死長數尺箭長尺餘以燠銅為鑄塗

毒藥於鑄鋒中人即死不時斂藏脬脹

都盡唯骨耳其俗誓不以此藥治語人治飲婦人月水

及糞汁時有差者唯射猪太首無他以其食糞故也燠銅

者故燒器其長老唯別燠銅聲以物杵之徐聽其聲得燠

毒者偏鑿取以為前鑄

景初中蒼梧吏到京云廣州西南接交州數郡桂林鬱典寧

浦間人有病將死便有飛蟲大如小麥或云有甲在合上

人氣絕來食亡者雖復撲殺有斗斛而來者如風雨前後相尋續不可斷截肌肉都盡唯餘骨在更去盡者家無相纏者或殞殮不時皆受此弊有物力者則以衣服帛五六重裹亡者此蟲惡祥大氣即以板鄣防左右并以作器此蟲便不敢近也入交界更無轉近郡亦有但微少耳

異產

漢武帝時弱水西國有人乘毛車以渡弱水來獻香者帝謂是常香非中國之所乏不禮其使留之帝幸上林苑西使千乘輿聞并奏其香帝取之看大如鷲卵三枚與棗相似帝不悅以付外庫後長安中大疫官中皆疫病帝不舉樂西使乞見請燒所貢香一枚以辟疫氣帝不得已聽之

宮中病者登日並差長安中白里咸聞香氣芳積九月餘日香由不歇帝乃厚禮發遣餞送

一說漢制獻香不滿斤西使臨去乃發香自氣如大豆者拭著宮門香氣聞長安數十里經數日乃歇

漢武帝時西海國有獻膠五兩者帝以付外庫餘膠半兩西使佩以自隨後從武帝射於甘泉宮帝弓弦斷從者欲更張弦西使乃進乞以所送餘香膠續之座上左右莫不恠西使乃以口濡膠爲以住斷弦兩頭相連注弦遂相著帝乃使力士各引其一頭終不相離西使曰可以射終日不斷帝大恠左右稱奇因名曰續弦膠

周書曰西域獻火浣布昆吾氏獻切玉刀火浣布汚則燒之

則潔刀切玉如膈布漢世有獻者乃則未聞
魏文帝黃初二年武都西都尉王褒獻石膽二十斤四年獻
三斤

臨邛火井一所從廣五尺深二三天井在縣南百里晉時人
以竹木投以取火諸葛丞相往視之後火轉盛熱釜蓋井
上者鹽得盛入以家火則滅訖今不復燃也酒泉延壽縣
南山名火泉火出如炬

徐公曰西域使王暢說石流黃出足弥山去高昌八百里有
石流黃數十丈從廣五六寸畝有取流黃晝視孔中上狀
如煙而高數尺夜視如燈光明高尺餘暢所親見之也
言時氣不和皆往保此山

博物志二卷終

博物志卷第三

晉司空張華撰

汝南周日用等注

異獸

漢武帝時大苑之北胡人有獻一物大如狗然聲能驚人雞
犬聞之皆走名曰猛獸帝見之恠其細小及出苑中欲使
虎狼食之虎見此獸即低頭著地帝為反觀見虎如此欲
謂下頭作勢起搏殺之而此獸見虎甚喜舐唇搖尾徑往
虎頭上立因搗虎面虎乃閉目低頭匍匐不敢動搗鼻下
去下去之後虎尾下頭去此獸顧之虎輒閉目
後魏武帝伐冒頓經白狼山逢師子使人格之殺傷甚衆王

乃自率常從軍數百擊之師子哮吼奮起左右咸驚王忽見一物從林中出如狸起上王車輓師子將至此獸便跳起上師子頭上即伏不敢起於是遂殺之得師子一還來至洛陽三千里雞犬皆伏無鳴吠

魏武伐冒頓經白狼山逢獅子使格之見一物從竹中出如狸上帝車輓上獅子將至便跳上獅子頭獅子伏不敢起遂殺之得獅子還至四十里雞犬皆無鳴吠

九守有神牛乃生谿上黑出時共聞即海沸黃或出關岸上家牛皆怖人或遮則霹靂號曰神牛

昔日南貢四象各有雌雄其一雄死於九真乃至南海百有餘日其雌塗土著身不飲食空草長中間其所以聞之輒

流涕矣

越國有牛稍割取肉牛不死經日肉生如故

大宛國有汗血馬天馬種漢魏西域時有獻者

文馬赤鬣身白似若黃金名古黃之乘復削之露犬也能飛食虎豹

蜀山南高山上物如猕猴長七尺能人行健走名曰猴攬

一名化或曰猴攬同行道婦女有好者輒盜之以去人不得知行者或每遇其旁守以長繩相引然故不免此得男女氣自死故取男也取去為室家其年少者終身不得還十年之後形皆類之意亦迷惑不復思歸有子者輒俱送還其家產子皆如人有不食養者其母輒死故無敢不養

也及長與人不異皆以楊為姓故今蜀中西界多謂楊率
皆猴攫化之子孫時時相有攫瓜者也

小山有獸其形如鼓一足如蠶澤有委蛇狀如較長如較見
之者霸

猩猩若黃狗人面能言

異鳥

崇丘山有鳥一足一翼一目相得而飛名曰壹見則吉良乘
之壽千歲

比翼鳥一青一赤在參嶼山

有鳥如鳥又首白喙赤足曰精衛故精衛常取西山之木石
以填東海

越地深山有鳥如鳩青色名曰冶鳥穿天樹作巢如升器其
戶口徑數寸周飾以土堊赤白相次狀如射侯伐木見此
樹即避之去或夜冥人不見鳥鳥亦知人不見已也鳴曰
咄咄去明日便息急上樹去咄咄下去明日便息急下若
使去但言笑而不已者可止伐也若有穢要及犯其止者
則虎通夕來守人不知者即害人此鳥白日見其形鳥也
夜聽其鳴人也時觀樂便作人悲喜形長三尺澗中取石
蟹就人火間炙之不可犯也越人謂此鳥為越祝之祖

異蟲

南方有落頭蟲其頭能飛其種人常有所祭祀號曰蟲落故
因取之焉以其飛因服便去以其為翼將曉還復著其具

時往往得此人也

江南山谿中水射上蟲甲類也長一二寸口中有弩形氣射

人影隨所著處發瘡不治則殺人令鸚鵡蟲溺人影亦隨

所著處生瘡盧氏曰以鷄腸草搗塗至經日即愈周日用日

鳥應時落地雖未嘗試以是類之必有之

蝮蛇秋月毒盛無所折蝮咬草木以泄其氣草木即死人樵

採設為草木所傷刺者亦殺人毒洽於蛟螭謂之蛇迹也

華山有蛇名肥遺六足四翼見則天下大旱

常山之蛇名牽然有兩頭觸其一頭頭至觸其中則兩頭俱

至孫武以喻善用兵者

異魚

南海有鱧魚狀似鱣斬其頭而乾之去齒而更生如此者三

乃止

東海中有半體魚其形狀如牛剥其皮懸之潮水至則毛起

潮去則毛伏

東海蛟錯魚生子子驚還入母腸尋復出

吳王江行食鱠有餘弃於中流化為魚今魚中有名吳王鱠

餘者長數寸大者如筋猶有鱠形

廣陵陳亨食膾作病華他下之膾頭皆成蟲尾猶是膾

東海有物狀如凝血從廣數尺方首名曰鮐魚無頭自處所

內無藏衆蝦附之隨其東西人煮食之

異草木

太原晉陽以化生屏風草

海上有草焉名歸其實食之如大麥七月稔熟名曰自然谷

或曰禹餘糧音節

堯時有屈佚草生於庭後人入朝則屈而指之一名指後州
右詹山帝女化為詹草其葉鬱茂其華黃實如豆服者媚於
人

止此二山多竹長千仞鳳食其實去九疑萬八千里

江南諸山郡中大樹斷倒者經春夏生菌謂之榷食之有味
而忽毒殺人云此物往往自有毒者或云蛇所著之楓樹
生者啖之令人笑不得止治之飲土漿即愈

博物志卷第三

博物志卷第四

晉司空張華茂先撰

汝南周日用筆法

物性

九竅者胎化八竅者卵生龜鼈曰此類咸卵生影伏

白鷓雄雌相視則孕或曰雄鳴一風則雌孕

鬼蜮望月而孕口中吐子舊有此說余目所見也

大腰無雄龜鼈類也無雄與蛇通氣則孕細腰無雌蜂類也

取桑蚕則阜蠶子呪而成子詩云螟蛉之子蜾蠃負之是也

蚕二化先孕而後交不可者亦產子之後為蠶皆無眉目易

傷收採亦薄

鳥雌雄不可別翼右掩左雄左掩右雌一足而翼謂之禽四足而毛謂之獸

鵲巢門戶背太歲得非才智也

鸛雉長毛雨雪惜其尾栖高樹杪不敢下食往往餓死時魏景初中天下所說

鸛水鳥也伏卵時卵冷則不沸取礬石用繞卵以時助燥氣故方術家以鸛巢中礬石

山雞有美毛自愛其色終日映水自眩則溺死龜三千歲旋於卷耳之上

屠龜解其肌肉唯腸連其頭而經日不死猶能齧物鳥往食之則為所得漁者或以張鳥神呪復續

蟻螬以背行快於足用

周官云貉不渡汶水鸚不渡濟水魯國無鸚鵡來巢記異也橘渡江北化為枳今之江東甚有枳橘百足一名馬蛭中斷成兩段各行而去

物理

凡月暈隨衣畫之隨所畫而闕

惟補子云未詳其法

麒麟闕而日蝕鯨魚死則彗星出嬰兒號婦乳出

莊子云地三年種蜀黍其後七年多蛇

積艾草二年後燒津液下流成鈆錫已試有驗

煎麻油水氣盡無煙不復沸則還冷可內手撓之得水則焰起散卒不滅此亦試之有驗

庭州灑水以金銀鐵器盛之皆漏唯瓠葉則不漏
龍肉以醢漬之則文章生

積油滿萬石則自然生火武帝泰始中武庫火積油所致

物類

燒鉛錫成胡粉猶類也

燒丹朱成水銀則不類物同類異用者

。石 魏文帝所記諸物相似亂者

武夫恠石似姜玉

蛇牀亂麋蕪

薺危亂人參

杜衡亂細辛

雄黃似石流黃

鱖魚相亂以有大小相異

敵休亂門冬

百部似門冬

房葵似狼毒

鉤吻草與行葦相似

按楔與草解相似一名狗脊

藥物

烏頭天雄附子一物春秋冬夏採各異也

遠志苗曰小草根曰遠志

芎藭苗曰江蘿根曰芎藭

菊有一種苗花如一唯味小異苦者不中食

野葛食之殺人家葛種之二年不收後旅生亦不可食

神仙傳云松栢脂入地千年化為茯苓茯苓化為琥珀琥珀

一名江珠今泰山出茯苓而無琥珀益州永昌出琥珀而

無茯苓或云燒蜂巢所作未詳此二說

地黃藍首斷心分根菜種皆生女蘿寄生鬼絲鬼絲寄生木
上生根不著地

董花朝生夕死

藥論

神農經曰上藥養命謂五石之練形六芝之延年也中藥養
性合歡蠲忿萱草忘憂下藥治病謂大黃除實當歸止痛
夫命之所以延性之所以利痛之所以止當其藥應以痛
也違其藥失其應即怨天尤人設鬼神矣

神農經曰藥物有大毒不可入口鼻耳目者即殺人一曰鉤

吻盧氏曰陰也黃精不相連根苗獨生者是也二曰鴉狀
如雌雞生中山三曰陰命赤色者木懸其子山海中四
曰內童狀如鴉亦生海中五曰鴉羽如雀黑頭
亦家亦曰鴉蛇生海中雄曰蛇雌曰鴉蛇也

神農經曰藥種有五物一曰狼毒占斯解之一曰巴豆薑薑汁
解之三曰黎盧湯解之四曰天雄烏頭大豆解之五曰班
莒戎益解之毒采害小兒乳汁解先食飲二升

食忌

人啖豆三年則身重行止難

啖榆則眠不欲覺

啖麥稼令人力健行

飲真茶令人少眠

人常食小豆令人肥肌癯燥

食鴛鴦令人骨節斷解

人食鴛鴦肉不可入水為蛟龍所吞

人食久葵為狗所齧瘡不差或致死
馬食谷則足重不能行
鴈食粟則翼重不能飛

藥術

胡粉白石灰等以水和之塗齋瘡不白塗訖著油單裏令温
煖候欲燥未燥間洗之湯則不得著晚則多折用暖湯洗
訖澤塗之欲染當熟洗鬢鬚有膩不著藥臨染時亦當拭
鬢焯温之

陳葵子微火炒令爆吃散著熟地通躡之朝種暮生遠不過
經宿耳

陳葵子種覆蓋之經冬不死春有子也周日用日馬聞熟地補生採蘭持石

流黃飾於其上以盆覆之即時可待又以變白牡丹為五色皆以沃其根以紫草汁則變之紫紅花汁則變紅並未試於理可焉此出爾雅

燒馬蹄羊角成灰春夏散著濕地生羅勒
釐漆相合成為神仙藥服食乃云

戲術

削木令圓奉以向日以艾於後成其影則得火

取火法如用珠取火多有說者此未試

神農本草云雞卵可作琥珀其法取伏卵段黃白渾雜者煮

及尚軟隨意刻作物以苦酒漬數宿既堅內著粉中佳者

乃亂真矣此世所怕用作無不成者

燒白石作白灰既訖積著地經日都冷遇雨及水澆即更燃

煙焰起

五月五日埋蜻蜒頭於西向戶下埋至三日不食則化成青
真珠又云埋於正中門

蜥蜴或名蠃蜥以器養之以朱砂體盡赤所食滿七斤治瘰

萬杵點女人支体終年不滅唯房室事則滅故號守宮傳

云東方朔語漢武帝試之有驗

取鼈控令如碁子大擣赤莧汁和合厚以茅包五六日中作

投地中經旬齋肉盡成鼈也

博物志卷第四

博物志卷第五

晉司空張華茂先撰

汝南周日用等注

方士

魏武帝好養性亦解方藥招引四方之術士如左元放華

佗之徒無不畢至周日用曰曹雖好奇而心道異如何招

若非變化已至滅身故有道者不合親之矣既要靈術即可乎

魏王所集方士名

上黨王真

隴西封君達

甘陵甘始

魯女生

譙國華佗字元化

東郭延年

唐書

冷壽光

河南下武

張紹

前子訓

汝南費長房

鮮奴辜

魏國軍吏河南趙聖卿

陽城郝儉字孟節

廬江左慈字元放

右十六人魏文帝東阿王仲長統所說皆能斷穀不食分形
隱沒出入不由門戶左慈能變形幻人視聽厭刻鬼魅皆
此類也周禮所謂恠民王制稱挾左道者也

魏時方士其陵其始

廬江有左慈陽城有郝儉始能行氣道引慈曉房中之術善
辟穀不食悉號一百歲人凡如此之徒武帝皆集之於魏

不使游散其始孝而少容曹子建密問其所行始言本師
姓韓字世雄嘗與師於南海作金投數万斤於海又取鯉
魚一双鯉游行沉浮有若處淵其無藥者已熟而食言此
藥去此踰遠万里已不可行不能得也

皇甫隆遇青牛道士姓封名君達其餘養性法即可放用大
略云體欲嘗少勞無過虛食去肥濃節酸鹹減思慮損喜
怒除馳逐慎房室施瀉秋冬閉藏詳別篇武帝行之有效
文帝典論曰陳思王曹植辯道論云世有吾王悉招至之其
陵有耳始廬江有左慈陽城有郝儉始能行氣儉善辟穀
悉號三百歲人自王與太子及余之兄弟咸以為調笑不
全信之然嘗試郝儉辟穀百日猶與寢處行步起居自若也

夫人不食七日則死而儉乃能如是左慈修房中之術善
可以終命然非有至情莫能行也其始老而少容自諸術
士咸共歸之王使却孟節主領諸人

近魏明帝時河東有焦生者裸而不衣火不焦入水不凍

杜恕為太守親所呼見皆有實事

周日用曰焦孝然居一菴大雪庵倒人已

為死而視之蒸氣於雪略无亦色時或折薪
惠人而已故魏書云自義皇以來一人而已

穎川陳元方韓元長時之通才者所以並信有仙者其父時
所傳聞河南密縣有成公其人出行不知所至復來還語
其家云我得仙因與家人辭訣而去其步漸高良久乃沒
而不見至今密縣傳其仙去二君以信有仙蓋由此也明

用曰豈惟
三子乎

相譚新論說方士有董仲君罪繫獄伴死梟自陷出既而復生
黃帝問天老曰天地所造豈有食之令人不死者乎天老曰
太陽之草名曰黃精餌而食之可以長生太陰之草名曰
鉤吻不可食入口立死人信鉤吻之殺人不信黃精之益
壽不亦惑乎

周日用曰草既殺人仍无益壽者
也若殺人无驗則益壽不可信矣

服食
左元放荒年法擇大豆麴細調勻必生藥按之令有光煙氣

徹豆心內先不食一日以冷水頓服訖其魚肉菜果不得

復經口渴即飲水慎不可燉飲初小困十數日後體力壯

健不復思食

鮫法服三升為劑亦當隨入先食多心增損之盛置欲還者

煮葵子及脂酥服肉羹新二飲之須豆下乃可食豆未盡
而以實物腸塞則殺人矣此未試或可以然周日用日

餅炙餅令熟即塗之以意量多少即
食之如常湯即飲冷水已熟茶耳

孔子家語曰食水者乃耐寒而苦浮食土者無心不息食木
者多而不治食石者肥澤而不老食草者善走而愚食桑
者有緒而蛾食肉者勇而悍食氣者神明而壽食穀者智
慧而天不食者不死而神仙傳曰雖食者自病妖邪之所
鍾焉

西域有蒲萄酒積年不敗彼俗可十年飲之醉弥月乃解
所食逾少心開逾益所食逾多心逾塞年逾損焉

辨方士

漢淮南王謀反被誅亦云得道輕舉周日用川曰漢書云淮南

舉非虛事也至今維揚境內馬迹猶存曰昔與六公同如
皆上品真人耳既談道德肯圖反逆之事漢臣行陰旨好
書鼓不善弋猶淮南內書言神仙黃白之術表反事去矣
夫古今書傳多黜仙道者慮帝王公供廢勞機而慕其道
故意而不書唯老聃不可掩而云二百歲後西遊流少不
知所之更書云蜀有女道二謝自然白日昇此外歷代
史籍未嘗言也

鈞弋夫人被殺於雲陽而言尸解極空周日用川曰史云夫人

石亦不云
尸解散空

文典論云議郎李暹學郊儉辭殺服袂冬飲冰中不寒渴
殆至殞命軍祭酒弘農董奉李甘始鳩視狼頭呼吸吐納
為之過差氣閉不通良久乃蘇寺人嚴峻就左慈茶補道
之術聞堅首無事於斯而逐聲若此

又云王仲統云其始左元放東郭延年行客成御婦人法並
為丞相所錄間行其術亦得其驗降就道士刘景受雲母
九子元方年三百歲莫之所在武帝恒御此藥亦云有驗
刘德治淮南王獄得枕中鴻宝秘書及子向咸而奇之信
黃白之術可成謂神仙之道可致卒亦無驗乃以羅罪也
周日用曰神仙之道李之匪一朝一夕而可得黃白者
也仍須有分昇騰者應須有骨安可偶然而得効也
刘根不覺飢渴或謂能忍盪虛王仲都當盛夏之月十爐火
灸之不熱當嚴冬之時裸之而不寒怕山君以為性耐寒
暑怕山以無仙道好奇者為之前者已述焉
司馬迁云無堯以天下讓詐由事楊雄亦云誇大者為之楊
雄又云無仙道相謹亦國
博物志卷之五

博物志卷第六

晉司空張華茂先撰
汝南周日用等注

人名攷

昔彼高陽是生伯鯨布土取帝之息壤以填洪水

殷三仁微子箕子比干

文王四友南宮括散宜生闕天太顛仲尼四友顏淵子貢子

路子張

曹曼字敬伯

蔡伯喈母袁公妹曜鄰姑也

古之善射者甘蠅蠅之弟子白飛衛

平原管輅善卜筮解鳥語

蔡邕有書方卷漢末年載數車與王粲粲亡後相國掾魏諷
謀反粲子與焉既被誅邕所與粲書悉入粲族子葉字長
緒即正宗父正宗即輔嗣兄也初粲與族兄凱避地荊州
依刘表表有女表愛粲才欲以妻之嫌其形陋周率乃謂
曰君才過人而體 躁非女聲才凱有風貌乃妻凱生葉
即女所生

太丘長陳寔寔子鴻臚卿紀紀子司空群群子泰四世於漢
魏今朝有重名而其德漸小減故時人為其語曰公慙卿
卿慙長

文籍攷

聖人制作曰經賢者著述曰傳鄭玄注毛詩曰箋不解此意
或云毛公嘗為北海郡守玄是此郡人故以為敬
何休注公羊傳云何氏學又不能解者或答云休謙詞也學
於師乃宣此義不出於己此言為允

太古書今見存有神農經山海經或云禹所作周易蔡邕云
禮記月令周公作周日用曰禮記疏云第一是呂不韋春
秋明呂氏所制蔡邕云周公未之詳也

謚法司馬法周公所作

余友下邳陳德龍謂余言曰靈光殿賦溥為且城王子山所
作子山嘗之泰山從鮑子真學筭過魯國而都殿賦之還
歸本州溺死湘水時年二十餘也

地理攷

周自后稷至于文武皆都關中號為宗周秦為阿房殿在長安西南二十里殿東西千步南北三百步上可以坐萬人庭中受十萬人二世為趙高所殺於宜春宮在杜城南三里葬於旁

周時德澤盛高天以為宮柱名曰蒿宮

姜厚嗣祠在墉城長安西南二十里

盜跖冢在大陽縣西

趙鞅冢在臨水縣界

始皇陵在驪山之北高數十丈周廻六七里今在陰盤縣界

北陵雖高大不足以銷六丈冰背陵鄣使東西流又此山

名運取大石於渭北渚故歌曰運石甘泉口渭水為不流

千人唱萬人鈎金陵餘石大如塢土屋其銷功力皆如此

類靈氏曰秦氏奢侈自矜葬用珍室多故高作陵園山者從難發也高則難上固則難攻項羽爭衡之時發其陵未詳其至棺否

舊洛陽字作水邊各火行也忌水故去水而加佳又魏於行

次為土水得土而流土得水而柔故復佳加水變雒為洛焉

洞庭君山帝之二女居之曰湘夫人又荊州圖經曰湘君所

遊故曰君山

南荆賦江陵有臺甚大而有一柱衆木皆拱之

典禮攷

三讓一曰讓禮二曰固讓三曰終讓

漢永秦群臣上書皆曰昧死言

王莽盜仿慕古法昧死曰稽首光武因而不改
肉刑明王之制荀卿每論之至漢文帝感太倉公女之言而
廢之班固著論宜復迄漢末魏初陳紀又論宜申古制孔
融云不可復欲申之鍾繇王朗不同遂寢夏侯玄李勝曹
羲丁謚建私議各有彼此多去時未可復故遂寢焉
上公備物九錫一大輅各一玄牡二駟二裘冕之服赤舄副
之三軒懸之樂六佾之舞四朱戶以居五納陛以登六虎
賁之士三百人七鈇鉞各一八彤弓一彤斧百茲弓十茲
矢千九秬鬯一卣珪瓚副之

樂攷

漢末喪亂無金石之樂魏武帝至漢中得杜夔舊法始後設

軒懸鍾磬至於今用之於夔也

服飾攷

漢末喪亂絕無玉佩始復作之今之玉佩受於王粲

古者男子皆絲衣有故乃素服又有冠無幘故雖凶事皆著
冠也

漢中興士人皆冠葛巾建安巾

魏武帝造白帟於是遂廢唯二學書生猶著也

器名攷

寶劍名鈍鉤湛盧豪曹魚腸巨闕五劍皆歐冶子所作龍泉
太阿上市三劍皆楚王者

風胡子因吳請干將歐冶子作干將陽龍文莫邪陰漫理此

二劍吳王使干將作莫邪干將妻也夫妻甚喜
赤刀周之寶器也

物名攷

古駿馬有飛兔腰裏

周穆王八駿 赤驥 飛黃 白蟻 華騮 騷耳

騮駟 渠黃 盜驪

唐公有驪驢

項羽有馬在周日用曰曹公有流影而呂

周穆王有犬名耗毛白

晉靈公有畜狗名獒

韓國有黑犬名盧

宋有駿犬曰旌

犬四尺為獒

張騫使西域還乃得胡桃種

徐州人謂塵土為蓬塊吳人謂跋跌

博物志卷之七

異聞

晉司空張華茂先撰
汝南周日用等注

昔夏禹觀河見長人魚身出曰吾河精豈河伯也

馮夷華陰潼鄉人也得仙道化為河伯豈道同哉仙夷乘龍
虎水神乘魚龍其行恍惚萬里如室

夏桀之時為長夜宮於深谷之中男女雜處十旬不出聽政
天乃大風揚沙一夕填此宮谷又云石室瑤臺闕龍逢諫
桀言曰吾之有民如天之有日日亡我則亡以為龍逢妖
言而殺之其後山復於谷下及在上耆老相與諫桀又以

爲妖言而殺之

夏桀之時費昌之河上見二日在東者爛爛將起在西者沈沈將滅若疾雷之聲昌問於馮夷曰何者爲殷何者爲夏馮夷曰西夏東殷於是費昌徙疾歸報

武王伐紂至盟津渡河大風波武王操戈秉麾麾之風波豔魯陽公與韓戰酣而日暮授戈麾之日日反三舍

太公爲灌壇令武王夢婦人當道夜哭問之曰吾是東海神女嫁於西海神童今灌壇令當道廢我行我行必有大風雨而太公有德吾不敢以暴風雨過是毀君德武王明日召太公三日二夜果有疾風暴雨從太公邑外過

晉文公出大蛇當道如拱文公反修德使吏守蛇吏夢天殺

蛇曰何故當聖君道覺而視蛇則自死也

齊景公伐宋過泰山夢一人怒公謂太公之神晏子謂宋相湯與伊尹也爲言其狀湯皙容多髮伊尹黑而短即所夢也景公進軍不聽軍鼓毀公怒散軍伐宋

徐偃王志云徐君宮人娠而生卵以爲不祥弃之水濱獨孤

母有犬名鵠蒼獵於水濱得所弃卵嚙以東歸獨孤母以

爲異養煖之遂蛻成兒生時正偃故以爲名徐君宮中聞

之乃更錄取長而仁智叢者徐國後譌倉臨死生角而九

尾實黃龍也偃王又葬之徐界中今見狗鬣偃王旣其國

仁義著聞欲舟行上國乃通濬陳蔡之間得朱弓矢以已

得天瑞遂因名爲弓自稱徐偃王江淮諸侯皆從從

者三十六國周王聞遣使乘駟一日至楚使使之偃王仁
不忍聞言其民為楚所敗逃走彭城武原縣東山下百姓
隨之者以萬數後遂名其山為徐山山上立石室有神靈
民人祈禱今皆見存

海水西夸父與日相逐走渴飲水河謂不足北飲大澤未至
渴而死棄其杖化為鄧林

澹臺子羽渡河濟千金之璧于河河伯欲之至陽侯波起兩
蛟挾船子羽左操璧右操劍擊蛟皆死既渡三投璧于河
伯河伯躍而歸之子羽毀而去

荆軻字次非渡鮫夾船次非不奏斷其頭而風波靜除謂曰
余嘗行經荆將軍墓墓與羊角哀冢若安伯墓云云
將軍所伐乃在此也其地在死陵之源求見其墓

名乃作次
飛字也

東阿王勇士有蕃丘訢過神淵使飲焉馬沈訢朝服拔劍二
日一夜殺二蛟一龍而出雷隨擊之七日夜眇其左目

漢滕公薨求葬東都門外公卿送喪駟馬不行踏地悲鳴跑
蹄下地得石有銘曰佳城鬱鬱三千年見白日吁嗟滕公
居此室遂葬焉

衛靈公葬得石槨銘曰不逢箕子靈公奪我里

漢西都時南宮寢殿內有醇儒王史威長死葬銘曰明明哲
士知存知亡崇隴原豐非寧非康不封不樹作靈乘光厥
銘何依王史威長

元始元年中謁者沛郡史參上書訟王宏奪董賢璽綬之功

靈帝和光元年遼西太守黃翻上言海邊有流屍露冠絳衣體貌完全使翻感夢云我伯夷之弟孤竹君也海水壞吾棺槨求見掩藏民有襁褓視皆無疾而卒

漢末關中大亂有發前漢時冢者人猶活既出平復如舊魏
郭后愛念之錄著宮內常置左右問漢時宮中事說之了皆有次序后崩哭泣過禮遂死焉

漢末發范友明冢奴猶活友明霍光女聳說光家事廢立之際多與漢書相似此奴常游走於民間無止在處今不知所在或云尚在余聞之於人可信而目不可見也

大司馬曹休所統中郎謝璋部曲義兵多儂息女年四歲病役故埋葬五日復生大和三年詔令休使父母同時送女

來視其年四月二日病死四日埋葬六日同墟入採桑聞兒生活今能飲食如常

京兆都張潛客居遼東還後為尉馬都尉關內侯表言故為諸生太學時聞故太尉常山張顥為梁相天新雨後有鳥如山誰飛翔近地市人擲之稍下墮民爭取之即為一負石言縣府顥令搥破之得一金印文曰忠孝侯印顥表上之藏於官庫後議郎汝南樊行夷校書東觀表上言堯舜之時舊有此官今天降印且可復置

孝武建元四年天雨粟孝元景寧元年南陽陽郡雨穀小者如黍粟而青黑味苦大者如大豆赤黃味如麥下二日生根葉狀如大豆初生時也

代城始築之蒺藜一旦亡西南四五十板於澤中自立結草
爲外門因就營築焉故其城直周二十七里爲九門故城
廩爲東城

博物志卷之七

博物志卷之八

晉司空張華茂先撰

汝南周日用等註

史補

黃帝登仙其臣左徹者削木象黃帝帥諸侯以朝之七年不
還左徹乃立顓頊左徹亦仙去也

堯之二女舜之二妃曰湘夫人舜崩二妃帝以涕揮竹竹盡班
麴十東鬼塊青禹亂天下事禹退作二豎壇者攻弱者守敵
戰城郭蓋禹始也

大妣夢見商之庭產棘乃小子發取周庭梓樹樹之子關關
梓化爲松柏柞覺驚以告文王文王曰慎勿言及日之

陽夏日之餘不召而萬物自來天道尚左日月西移地道尚右水潦東流天不享於殷自發之 生于今十年禹羊在牧水潦東流天下飛鴻滿野日之出地無移照乎武王伐殷舍於幾逢大雨焉衰輿三百乘甲三千一日一夜行三百里以戰于牧野成王冠周公使祝雍曰辭達而勿多也祝雍曰近於民遠於侯近於義普於時惠於財任賢使能陛下擢顯先帝光耀以奉皇天之嘉祿欽順仲壹之言曰遵並入道郊域康阜萬國之休靈始明元服推遠童稚之幼志弘積文武之就德肅勲高祖之清廟六合之內靡不蒙德歲歲與天無極右孝昭用成王冠辭

止雨祝曰天生五穀以養人民今天雨不止用傷五穀如何如何靈而不幸殺牲以賽神靈雨則不止鳴鼓攻之朱綠繩繫而脅之

請雨曰皇皇上天照臨下土集地之靈神降其雨庶物群生咸得其所

禮記曰孔子少孤不知其父墓母亡問於鄒曼父之母乃合葬於防防墓又崩門人後至孔子問來何遲門人實對孔子不應如是者三乃潛然流涕而止曰古不脩墓將何晏夏侯玄王肅皆云無此事注記者謬時賢咸從之謂曰

四士言无者後有何理而述之在愚所見實未之有矣且徵在與梁統野合而生事多隱之况我丘生而父已死既隱何以知之非問曼父之母安得合於防也

孔子東遊見二小兒辯鬪問其故一小兒曰我以日始出時
去人近而日中時遠也一小兒曰以日出而遠而日中時
近一小兒曰日初出時大如車蓋及日中時如盤盂此不
為遠者小而大者近乎一小兒曰日初出滄滄涼涼及其
中而探湯此不為近者熱而遠者涼乎孔子不能決 兩
小兒曰孰謂汝多知乎亦出列子周日用日且當中向
者炎氣直下也譬猶火
氣直上而與旁暑其炎陳可悉耳足明
初出近而當中遠矣豈聖人青對乎
子路與子貢過鄆神社社樹有烏神牽率子路子貢說之乃止
春秋哀公十有四年春西狩獲麟公羊傳曰有以告者孔子
曰孰為來哉孰謂來哉盧曰以其時非應故孔子泣而感
之麟曰生之策蓋天使報聖人
左傳曰叔孫氏之車子鉏商獲麟以為不祥

燕太子丹質於秦秦王遇之無禮不得意思欲歸請於秦王
王不聽謬言曰今烏頭白馬生角乃可丹仰而歎烏即頭
白俯而嗟馬生角秦王不得已而遣之為機發之橋欲陷
丹丹驅馳過之而橋不發遁到關關門不開丹丹為雞鳴於
是眾雞悉鳴遂歸

詹何以獨繭絲為綸芒斜為鈎荆條為竿割粒為餌引盈車
之魚於百仞之淵汨流之中綸不絕鈎不申竿不撓

薛譚學謳於秦青未窮青之旨於一日遂辭歸秦青乃餞於
郊衢撫節悲歌聲震林木響遍行雲薛譚乃謝求返終身
不敢言歸秦青顧謂其友曰昔韓娥東之齊遺糧過雍門
鬻歌假食而去餘響遶梁三日不絕左右以其人弗去過

逆旅凡人辱之韓娥因曼聲哀哭一里老幼喜歡抃舞弗能自禁乃厚賂而遣之故雍門人至今善歌哭效娥之遺聲也

趙襄子率徒十萬狩於中山藉芴燔林扇赫百里有人從石壁中出隨煙上下若無所之經涉者襄子以爲物徐察之乃人也問其奚道而處石奚道而入火其人曰奚物爲火其人曰不知也魏文侯聞之問於子夏曰彼何人哉子夏曰以商所聞於夫子和者同於物物無得而傷閱者遊金石之間及蹈於水火皆可也文侯曰吾子奚不爲之子夏曰刳心知智商未能也雖試語之而即暇矣文侯曰夫子奚不爲之子夏曰夫子能而不爲之侯不悅

更羸謂魏王曰臣能射爲虛發而下鳥王曰然可於此乎曰聞有鳥從東來羸虛發而下之也

澹臺子羽子溺水死欲葬之滅明曰此命也與螻蟻何親與魚鱉何讎遂使葬

列傳云聶政刺韓相白虹爲之貫日要離刺慶忌彗星襲月專諸刺吳王僚鷹擊殿上

齊桓公出因與管仲故道自燉煌西涉流沙往外國沙石千餘里中無水時則有水流人莫能知皆乘駱駝駱駝知水脉遇其處輒停不肯行以足蹋地人於其蹋處掘之輒得水

楚熊渠子夜行射窮石以爲伏虎矢爲沒羽

漢武帝好仙道祭祀名山大澤以求神仙之道時西王母遣使乘白鹿告帝當來乃供帳九華殿以待之七月七日夜漏七刻王母乘紫雲車而至於殿西南面東向頭上戴七種青氣鬱鬱如雲有三青鳥如鳥大使侍母旁時設九微燈帝東面西向王母索七桃大如彈丸以五枚與帝母食二枚帝食桃輒以核著膝前母曰取此核將何爲帝曰此桃甘美欲種之母笑曰此桃三千年一生實唯帝與母對坐其從者皆不得進時東方朔竊從殿南廂朱鳥牖中窺母母顧之謂帝曰此窺牖小兒嘗三來盜吾此桃帝乃大恠之由此世人謂方朔神仙也

君山有道與吳包山潛通上有美酒數千得飲者不死漢武帝齋七日遣男女數十人至君山得酒欲飲之東方朔曰臣識此酒請視之因一飲致盡帝欲殺之朔乃曰殺朔若死此爲不驗以其有驗殺亦不死乃赦之

博物志卷之九

雜說上

晉司空張華茂先撰
汝南周日用等註

老子云萬民皆付西王母唯王聖人真人仙人道人之命上屬九天君耳

黃帝治天下百年而死民畏其神百年以其數百年故曰黃帝二百年上古男三十而妻女二十而嫁曾子白弟子不學古知之矣貧者不勝其憂富者不勝其樂

昔西夏仁而去兵城郭不修武士無位唐伐之西夏云昔者玄都賢鬼神道廢人事其謀臣不用龜策是從忠臣無祿

神巫用國

榆州氏之君孤而無使曲沃進伐之以亡

昔有巢氏有臣而貴任之異國主斷已而奪之臣怒而生變有巢以民昔者清陽疆力貴美女不治國而亡

昔有洛氏宮室無常園池廣大人民困匱商伐之有洛以亡神仙傳曰說上據辰尾為宿歲星降為東方朔傳說死後有此宿東方生無歲星

曾子曰好我者知吾美矣惡我者知吾惡矣

思士不妻而感思女不夫而孕后稷生乎巨跡伊尹生乎空桑箕子居朝鮮其後伐燕之朝鮮亡入海為鮮國師兩妻黑色珥兩青蛇蓋幻芒也

西無多瑞應至武帝之世特甚麟鳳數見王莽時郡國多稱瑞應歲歲相尋皆由滛時之欲承旨求媚多無實應乃使八猜疑

子育伐楚燔其府庫破其九龍之鍾

著一千歲而三百莖其本以老故知吉凶著果大於本為上吉莖必沐浴齋潔食香每日望浴著必五浴之浴龜亦然明夷曰昔夏后莖乘飛龍而登于天而牧占四華陶陶曰吉昔夏啓莖徙九鼎啓果徙之

昔舜莖登天為神牧占有黃龍神曰不吉武王伐殷而牧占著耆老耆老曰吉桀莖伐唐而牧占熒惑曰不吉昔鯀莖注洪水而牧占大明曰不吉有初無後

著末大於本爲卜吉次蒿次荆皆如是龜著皆月望浴之
水石之恠爲龍罔象木之恠爲躩魍魎土之恠爲積羊火之
恠爲宋無忌

鬪戰死亡之趣其人馬血積年化爲燐燐著地及草木如露
略不可見行人或有觸者著人體便有光拂拭便分散無
數愈甚有細咤聲如炒豆唯靜住良久乃滅後其人忽忽
如失魂經日乃差今人梳頭脫著衣時有隨梳解結有光
者亦有咤聲

風山之首方高三百里風穴如雷穴深三十里春風自此而
出也何以知還風也假令東風颯反從西來洗洗而疾此
不旋踵立西風矣所以然者諸風皆從上下或薄於雲雲

行疾下雖有微風不能勝上上風來到反矣

春秋書鼯鼠食郊牛牛死鼠之類最小者食物當時不覺痛
世傳云亦食人項肥厚皮處亦不覺或名甘鼠俗人諱此
所嚙衰病之徵

鼠食巴豆三年重三十斤

博物志卷之十

晉司空張華茂先撰

汝南周日用等註

雜說下

婦人妊娠未滿三月著婿衣冠平旦左遠并三匝映詳影而

去勿反顧勿令人知見必生男

周日用曰知女則可依法或先是男如何余聞有定

法定母年日月與受胎時日筭之過奇則為男過偶則為女知為方後即可依法

婦人妊身不欲令見醜惡物異類鳥獸食當避其異常味不

欲令見熊羆虎豹御及鳥射射雉食牛心白犬肉鯉魚頭

席不正不坐割不正不食聽誦詩書諷諫之音不聽淫聲

不視邪色以此產子必賢明端正壽考所謂父母胎教之

法盧氏曰子之得清祀滋液則生仁聖故古者婦人妊娠必慎所感感於善則善感於惡則惡矣妊娠者不可啖鬼肉又不可見鬼今兒唇缺又不可啖生薑令兒多指

異說云瞽叟夫婦凶頑而生舜叔梁紇淫夫也徵在失行也

加又野合而生仲尼焉其在有胎教也禮氏曰夫甲及寅歲德在甲寅千中生者則狄矣亦由先生也亦由父母氣也古者元氣清故多聖今者俗淫陰濁故無聖人也

豫章郡衣冠人有數婦暴面于道尋道爭分銖以給其夫與

馬衣資及舉孝廉更取富者一切皆給先者雖有數年之

勤婦子滿堂室猶放黜以避後人

諸遠方山郡幽僻處出蜜蝸人往往以桶聚蜂每年一取

遠方諸山蜜蠟處以木為器中開小孔以蜜蠟塗器內外令

遍春月蜂將生育時捕取三兩頭著器中蜂飛去尋將伴來經日漸益遂持器歸

人藉帶眠者則夢蛇

烏啣人之髮夢飛

王介張衡馬均昔冒重霧行一人無恙一人病一人死問其

故無恙人曰我飲酒病者食死者空腹

人以冷水水自漬至膝可頓啖數十枚瓜漬至腰啖轉多至

頸可啖百餘枚所漬水皆作瓜氣味此事未試人中酒不

解治之以湯自漬即愈湯亦作酒氣味也

昔劉玄石於中山酒家酤酒酒家與千日酒忘言其節度歸

至家當醉而家人不知以為死也權葬之酒家計千日滿

乃憶玄石前來酤酒醉向醒耳往視之云玄石上來三年已葬於是開棺醉始醒俗云玄石飲酒一醉千日

舊說云天河與海通近世有人居海渚者年年八月有浮槎去來不失期人有奇志立飛閣於查上多齎糧乘槎而去十餘日中猶觀星月日辰自後至芒忽忽亦不覺晝夜去十餘日奄至一處有城郭狀屋舍甚嚴遠望宮中多織婦見一丈夫牽牛渚次飲之牽牛人乃驚問曰何由至此此人具說來意并問此是何處答曰君還蜀郡訪嚴君平則知之竟不上岸因還如期後至蜀問君平曰其年月日有客星犯牽牛宿計年月正是此人到天河時也

人有山行墮深澗者無出路飢餓欲死左右見龜蛇甚多朝暮引頸向東方人因伏地學之遂不飢體殊輕便能登巖岸經數年後竦身舉臂遂超出澗上即得還家顏色悅懌頗更黠慧勝故還食穀啖滋味自餘日中復木質

天門郡有幽山峽谷而其上人有從下經過者忽然踊出林表狀如飛仙遂絕迹年中如此其數遂名此處爲仙谷有樂道好事者入此谷中洗沐以冰飛仙往往得去有長意思人疑必以妖怪乃以大石自隊牽一犬入谷中犬復飛去其人還告鄉里莫數十人執杖搗山草伐木至山頂觀之遙見一物長數十丈其高隱人耳如數箕其格射刺殺之所吞人骨積此左右有成封蟠開口廣丈餘前後失人皆此蟠氣所喻上於是此地遂安穩無患





